

Dómstóll Golfsambands Íslands

Kærumálið nr. 1/2017

Kæra Golfklúbbs Borgarness vegna framkvæmdar á sveitakeppni 2. deildar karla 13. ágúst sl. var þingfest mánudaginn 28. ágúst 2017.

Kærdu til andsvara eru Golfklúbbur Ísafjarðar og mótsstjórni í keppni í 2. deild karla í Íslandsmóti golfklúbba.

Allir aðilar, forsvarsmaður Golfklúbbs Borgarness, forsvarsmaður Golfklúbbs Ísafjarðar og mótsstjórni töldu óþarf að flytja mál þetta munnlega fyrir dómstólnum. Dómari ákvað að gefa aðilum tækifæri til að gera skriflegar athugasemdir við þau skjöl sem fyrir lágu við þingfestinguna. Athugasemdir skyldu berast dómara fyrir kl. 14.00, föstudaginn 1. september sl. Ein athugasemd barst, frá liðstjóra karlasveitar Golfklúbbs Borgarness. Að því loknu var kieran tekin til dóms/úrskurðar.

Skipun dómara, málsmeðferð og form kæru.

Samkvæmt 4. tl. 4. gr. laga um dómstóla GSÍ fer einn dómari með mál og ákveður dómsformaður hver af hinum reglulegu dómurum fari með málið. Dómsformaður Hjörleifur B. Kvaran ákvað að fara sjálfur með mál þetta.

Samkvæmt 1. gr. laga um dómstóla GSÍ skulu dómstólar GSÍ byggja niðurstöður sínar á eftirfarandi lögum og reglum:

- The Royal and Ancient Golf Club of St. Andrew
- Lög og reglur Golfsambands Íslands.

Í 8. gr. laga um dómstóla GSÍ er fjallað um form og efni kæru og eru í 2. tl. taldar upp þær upplýsingar sem koma skulu fram í kæru. Kæra Golfklúbbs Borgarness uppfyllir ekki að öllu leyti þau atriði sem upp eru talin í a, b og c lið 2. tl. greinarinnar. Dómari telur þessa annmarka minniháttar og hafi ekki áhrif á framvindu málsins.

Málsmeðferð.

Kæra Golfklúbbs Borgarness barst dómstólnum 14. ágúst 2017. Dómari sendi kæruna strax til Golfklúbbs Ísafjarðar og mótsstjórnar og óskaði eftir afstöðu þessara aðila til kærunnar. Einnig óskaði dómari eftir athugasemdmum Golfsambands Íslands með vísan til 6. tl. 9. gr. laga um dómstóla GSÍ. Greinargerðir bárust frá Golfklúbbi Ísafjarðar, mótsstjórni og Golfsambandi Íslands. Þá bárust athugasemdir frá mótsstjórni við greinargerð Golfklúbbs Ísafjarðar. Eftir þingfestingu málsins barst athugasemd frá liðstjóra karlasveitar Golfklúbbs Borgarness. Málsmeðferð er samkvæmt 9. gr. laga um dómstóla GSÍ.

Fyrirliggjandi skjöl.

Þegar málið er tekið til dóms/úrskurðar liggja fyrir eftirfarandi skjöl:

1. Kæra Golfklúbbs Borgarness, móttokin 14. ágúst 2017.
2. Rástímayfirlit.
3. Minnisblað frá Herði Geirssyni, dags. 16. ágúst 2017.
4. Greinargerð Golfklúbbs Ísafjarðar, dags. 21. ágúst 2017.
5. Greinargerð GSÍ, dags. 21. ágúst 2017.
6. Greinargerð mótsstjórnar, dags. 21. ágúst 2017.
7. Rástímablað mótsstjórnar afhent á liðstjórafundi.

8. Athugasemdir mótsstjórnar vegna greinargerðar GÍ, móttokin 25. ágúst 2017.
9. Athugasemliðstjóra Golfklúbbs Borgarness vegna framlagðra gagna Ísfirðinga, dags. 31. ágúst 2017.

Málavextir.

Til úrlausnar er kæra Golfklúbbs Borgarness vegna framkvæmdar á sveitakeppni 2. deildar karla 13. ágúst sl. Dómari var Ingvi Árnason. Mótsstjórn skipuðu Björgvin Óskar, Ingvi Árnason og Brynjar Geirsson.

Liðstjóri Golfklúbbs Borgarness lýsir málavöxtum þannig í kærunni:

Rástímar 5. umferðar Íslandsmóts golfklúbba 2. deildar 2017 sem auglýstir höfðu verið og legið fyrir á meðan mótinu stóð kemur fram að fyrsti rástími á sunnudegi sé kl.

8.00. Þar sem GÍ átti leik í úrslitum um 3-4 sæti átti fjórmennings leikur þeirra gegn Golfklúbbi Vestmannaeyja (GV) að hefast á 1. teig kl .8. Fyrsti tvímenningsleikur átti að fara af stað á fyrsta teig kl. 8.10. Annar tvímenningur kl. 8.18, þriðji tvímenningur kl. 8.26 og fjórði tvímenningur kl. 8.36.

Degar undirritaður fer frá klúbbhúsi að Hamri og út á völl rétt fyrir kl. 9.00 þá er enginn liðsmaður GÍ sem hafði mett á teig á réttum tíma og þá tæplega klukkustund liðin frá fyrsta auglýsta rástíma í þeirri umferð. Á þessum tímapunkti telur undirritaður að gr. 9. reglugerðarinnar verið virkuð og sveit GÍ hljóti frávísun úr mótinu.

Seinna kemur dómari mótsins svo til undirritaðs og tjáir honum að GÍ og GV séu að hefja leik um 3-4 sæti mótsins. Undirritaður mótmælti þessu og bendir á áðurnefnda grein í reglugerð um mótið.

Dómari tjáir undirrituðum að haft hafi verið samband við Hörð Geirsson dómara og Hauk Birgisson forseta GSÍ og túlkun þeirra á 9. grein reglugerðarinnar sé sú að þar sem riðlakeppni sé á þessum tíma lokið þá skuli úrslitin standa þar sem öllum leikjum í riðlinum sé lokið.

Í greinargerð Golfklúbbs Ísafjarðar er málavöxtum lýst á eftirfarandi hátt:

Í stuttu máli eru málatsatvik þau að á liðstjórafundi fyrir mótið, sem haldinn var í klúbbhúsi Golfklúbbs Borgarness fimmtudagskvöldið 10. ágúst sl., dreifði mótsstjórn til allra liðsstjóra gögnum og upplýsingum um mótið, þ.á.m. rástíma mótsins. Fram kom hjá mótsstjóra og dómara að allar breytingar á mótinu yrðu tilkynntar með skilaboðum í síma, svo og prentaðar út og hengdar upp á töflu í golfskálanum og settar í möppu liðstjóra liðanra. Lék sveit Golfklúbbs Ísafjarðar sína leiki í riðlakeppninni dagana 11. og 12. ágúst, samkvæmt upphaflegu leikjaplanri/rástímablaði. Úrslit urðu þau að sveitin sigraði tvo leiki af þremur og hafnaði örugglega í 2. sæti í sínum riðli.

Að lokinni riðlakeppni laugardaginn 12. ágúst lék Golfklúbbur Ísafjarðar við Golfklúbb Setbergs, í 4. umferð, þar sem Setberg bar sigur úr býtum. Að þeim leik loknum skráði liðstjóri Golfklúbbs Ísafjarðar lið sitt til leiks í 5. umferð. Umferð um 3.-4. sæti var á móti Golfklúbbi Vestmannaeyja. Sá leikur átti að fara fram daginn eftir. Það var því aldrei ætlun Golfklúbbs Ísafjarðar að mæta ekki til þess leiks. Hins vegar tók liðstjóri sveitar Ísafjarðar ekki eftir því að þá var búið að breyta rástínum frá upphaflegu rástímablaði, en samkvæmt því blaði átti leikurinn að fara fram með fyrsta rástíma kl. 09.26. Breytingarblaðinu hafði verið komið fyrir inn á milli annarra blaða í möppu Golfklúbbs Ísafjarðar.

Hörð

Pegar liðsmenn Golfklúbbs Ísafjarðar mættu í góðri trú til leiks um kl. 08.45 sunnudaginn 13. ágúst fengu þeir fyrst fréttir um breytta leikjaskipan, þ.e. að hinn umdeildi leikur átti að hefjast kl. 08.00, en ekki kl. 09.26. Hvorki liðstjóra né liðsmönnum Golfklúbbs Ísafjarðar hafði verið tilkynnt sérstaklega um breyttar tímasetningar, eins og lofað var á liðstjórafundi fyrir móti.

Pegar þessi mannlegu mistök lágu fyrir fór af stað atburðarás sem mótsstjórn og dómari geta betur upplýst um. En svo virðist sem dómari, mótsstjóri og fulltrúi GSÍ á staðnum, hafi sett sig í samband við Hörð Geirsson dómara og Hauk Birgisson forseta GSÍ og fengið ráðleggingar frá þeim um hvernig taka ætti á því að Golfklúbbur Ísafjarðar mætti of seint og jafnframt hvort til álita kæmi að beita úrræðum 9. gr. reglugerðar um Íslandsmót golfklúbba í karla- og kvennaflokk, þ.e. að vísa sveitinni frá keppni.

Kallaði dómari og mótsstjóri liðstjóra Golfklúbbs Ísafjarðar og Vestmannaeyja til fundar. Á þeim fundi upplýstu þeir, að þar sem öllum leikjum í riðlakeppninni var lokið og að þessi leikur um 3.-4. sætið gæti ekki haft áhrif á niðurstöðu annara liða, að þá væri ekki heimilt að vísa golfsveit Ísafjarðar frá keppni, heldur skyldu allir leikir sveitarinnar standa.

Var liðsstjóra Golfklúbbs Vestmannaeyja í sjálfsvald sett að ákveða hvort hinn umdeildi leikur skyldi fara fram eður ei. Var niðurstaðan sú að leikurinn skyldi fara fram og er skemmt frá því að segja að Golfklúbbur Vestmannaeyja sigraði örugglega 4-1. Golfklúbbur Ísafjarðar hafnaði því í 4. sæti og hélt þar með sæti sínu í 2. deild.

Mótsstjórnin hefur gert athugasemdir við málavaxtalýsingu Golfklúbbs Ísafjarðar.

Mótsstjórnin lýsir málavöxtum á eftirfarandi hátt:

Sunnudagur 13. ágúst. Síðasta umferð keppninnar hefst kl. 8.00 þar sem lið eru ræst út á tveimur teigum, 1. teig og 10. teig. Lið eru á ýmsum stöðum, á æfingasvæði, á pútflöti og að gera sig klára til að stíga á teig og hefja leik. GV og GÍ áttu að hefja leik á 1. teig og keppa um 3. sæti í deildinni.

Kl. 8:00 hefur ræsir samband við dómara og segir að það vanti lið Ísfirðinga á teig. Dómari fer að grennslast fyrir um þá en þá er ekki að finna á móttssvæðinu. Ræsir upplýsir að liðsstjóri GV hafi reynt að hringja í two liðsmenn GÍ en ekki náð sambandi. Dómari hefur samband við Brynjar Eldon Geirsson mótsstjórnarmann og upplýsir um málið og að GÍ verði vísað frá keppni. Þegar þetta umstang er búið er klukkan orðin 8:07 og ljóst að svigrúm samkvæmt golfreglum er liðið. Um kl. 8:10 – 8:15 tilkynnir dómari GV að samkvæmt 9. grein 1. kafla reglugerðar um Íslandsmót golfklúbba hafi lið GÍ í heild sætt frávísun þar sem ekki var mætt til leiks á auglýstum tíma og bað þá um að ganga frá sínum úrslitablöðum með sigri í öllum leikjum.

All nokkrar umræður urðu meðal liðsstjóra og liðsmanna sveitanna hvaða afleiðingu þessi frávísun hefði. Er það frávísun úr deildinni í næstu deild fyrir neðan eða einungis úr þessum leik? Þetta skipti máli hvað varðar úrslit annarra leikja og stöðu liða í mótinu.

Í 9. grein segir:

,Mæti ekki lið, sem tilkynnt hefur þáttöku, til leiks á auglýstum tíma, hvort sem er í fyrstu eða síðari umferðum skal sveitin sæta frávísun í heild. Úrslit leikja sem hún

hefur leikið fyrr í keppninni falla niður og hafa þar af leiðandi ekki áhrif á úrslit mótsins, að undanskildu því að úrslit skulu standa ef öllum leikjum í riðlum er lokið“

8:30 hefur dómari samband við Hörð Geirsson og ber undir hann orðalag greinarinnar, þá sérstaklega orðið „frávísun“ og síðustu málsgrein greinarinnar „Úrslit leikja sem hún hefur leikið fyrr í keppninni falla niður og hafa þar af leiðandi ekki áhrif á úrslit mótsins, að undanskildu því að úrslit skulu standa ef öllum leikjum í riðlum er lokið“.

Hörður vildi skoða þetta nánar og var ákveðið að hann bæri þetta undir lögfræðinginn Hauk Örn, en það hugðist hann gera eftir klukkan 9:00 þar sem var sunnudagur.

Lið GÍ mætir á svæðið 8:50-55, grandalausir um í hvaða stöðu þeir voru. Dómari tilkynnir þeim stöðuna, þeir hafi ekki mætt á auglýstum rástíma og hafi því sætt frávísun. Liðsstjóri sveitarinnar segist hafa verið með blað með rástínum fyrir sunnudag með rástíma 9:26, blað sem hann hafi tekið með sér frá liðsstjórafundinum í sumarbústaðinn þar sem þeir dvöldu. Málið var skoðað með mótsstjóra Björgvini. Rástímar fyrir alla keppnina höfðu verið prentaðir út af upphafssíðu mótsins á golf.is og settir í möppurnar fyrir liðsstjórafund. Á fyrsta keppnisdag sér mótsstjóri villu í rástínum sunnudags þar sem tímasetningar rástíma 10. teigs flæða yfir á 1. teig. (Excel tafla) Það var leiðrétt og ný útgáfa sett á vefinn og í möppurnar. (afrit af þessu blaði fylgir í viðhengi) Liðsstjóra var gerð grein fyrir að rástímar væru gefnir út á netinu, settir upp á töflur í skála og í möppur liðsstjóra. Fyrirvari er gerður á forsíðu mótsins um breytingar á skjölum og að liðsstjórar þurfi að kynna sér nýjustu skjöl. Liðsstjórimm sagði þessi mistök væru alfaríð hans.

Verst fannst liðsmönnum GÍ og GV að þeir fengju ekki að leika þennan dag, gott veður og allir tilbúnir að leika golf. Spurðu hvort þeir mættu spila hring á vellinum utan keppni? Svar dómara var nei þar sem völlurinn var lokaður öllum nema keppendum.

9:15 Hörður hefur samband við dómara mótsins eftir að hafa ráðfært sig við Hauk Örn. Niðurstaða er að frávísun sveitarinnar hafi ekki áhrif á aðra leiki í keppninni, taki eingöngu til leiksins um 3. - 4. sætið og GÍ hafni í 4. sæti. Dómari varpar fram hvort það vær andstætt reglum að heimila GÍ og GV að leika þennan leik ef báðir aðilar væru því samþykkir, þar sem þessi leikur hefur engin áhrif á aðra leiki í keppninni? Hörður taldi það ekki stangast á við nein lög eða reglur. Mótsstjórninni er heimilt samkvæmt golfreglu 33-7 að víkja frá, breyta eða beita frávísunarvítum telji nefndin ástæðu til.

Um 9:30 voru liðsstjórar sveitanna GÍ og GV kallaðir inn á fund og þetta borið undir þá. Liðsstjóri GV hafði þetta í hendi sér. Eftir að hafa rætt við liðsfélaga sína var það samþykkt að sveitirnar léku sinn leik, liðin voru ræst út á tveimur teigum til að trufla ekki aðra leiki.

Málsástæður aðila.

Golfklúbbur Borgarness byggir mál sitt á 9. gr. reglugerðar um Íslandsmót í karla- og kvennaaflokki en greinin hljóðar þannig:

Mæti ekki lið, sem tilkynnt hefur þáttöku, til leiks á auglýstum tíma, hvort sem er í fyrstu eða síðari umferðum skal sveitin sæta frávísun í heild. Úrslit leikja sem hún hefur leikið fyrr í keppninni falla niður og hafa þar af leiðandi ekki áhrif á úrslit mótsins, að undanskildu því að úrslit skulu standa ef öllum leikjum í riðlum er lokið.

X
Hauk

Túlkun Golfklúbbs Borgarness á þessari grein reglugerðarinnar er að ef lið mæti ekki til leiks á auglýstum tíma í fyrstu eða síðari umferðum skuli sveitin sæta frávísun. Sveit Golfklúbbs Ísafjarðar ætti þar með að hafna í síðasta sæti mótsins, óháð árangri hennar í riðlakeppninni.

Golfklúbbur Ísafjarðar byggir málsvörn sína á að dómarí mótsins og mótsstjórn hafi tekið þá ákvörðun að sveit Golfklúbbs Ísafjarðar yrði ekki frávísad þar sem öllum leikjum riðlakeppninnar var lokið. Í 4. kafla Móta- og keppnisreglna GSÍ sé fjallað um mótmæli og kærur. Þar segi í 13. gr. að liðstjórum og keppendum sé heimilt að gera skriflegar athugasemdir við framkvæmd móts. Slíkar athugasemdir skulu koma fram áður en móti lýkur og skuli mótsstjórn kveða upp skriflegan úrskurð ef ekki er fallist á athugasemdirnar. Hafi formreglum 13. gr. ekki verið fylgt beri að vísa kröfum Golfklúbbs Borgarness frá dómi.

Þá telur Golfklúbbur Ísafjarðar að ekki sé unnt að frávísá sveitinni úr 2. deild á grundvelli 9. gr. reglugerðarinnar. Beiting úrræða samkvæmt ákvæðinu komi því aðeins til greina þegar leikir í riðlum keppninnar standa enn yfir.

Mótsstjórn telur að framkvæmd úrskurðar um frávísun Golfklúbbs Ísafjarðar hafi verið samkvæmt 9. grein 1. kafla reglugerðar um Íslandsmót golfklúbba í karla- og kvennaflokki frá 13. apríl 2017 og í samræmi við golfreglur. Rökstyður mótsstjórnin mál sitt með eftirfarandi hætti:

1. *Liði GÍ var vísað frá keppni í samræmi við 1. mólsgrein 9. greinar, en þar segir:*
„Mæti ekki lið, sem tilkynnt hefur þáttöku, til leiks á auglýstum tíma, hvort sem er í fyrstu eða síðari umferðum skal sveitin sæta frávísun í heild.
2. *Að athuguðu málí lagði mótsstjórn þann skilning í texta 2. mólsgreinar 9. greinar 1. kafla reglugerðarinnar að úrslit umrædds leiks GÍ og GV hefði ekki áhrif á aðra leiki keppninnar, en þar segir: „Úrslit leikja sem hún hefur leikið fyrr í keppninni falla niður og hafa þar af leiðandi ekki áhrif á úrslit mótsins, að undanskildu því að úrslit skulu standa ef öllum leikjum í riðlum er lokið“.*
3. *Síðari ákvarðanir um að heimila liðum GÍ og GV að leika sinn leik eru byggðar á þeirri forsendu að úrslit leiksins vörðuðu eingöngu úrslit um 3. og 4. sæti keppninnar og hafi þar af leiðandi ekki haft áhrif á aðra leiki eða sætaröð annarra liða í keppninni. Með heimildinni dró mótsstjórnin frávísunarvítio til baka/felldi úr gildi. Það er rökstutt með heimild í golfreglu 33-7 en þar segir "Í einstaklingsbundnum undantekningartilvikum má víkja frá, breyta eða beita frávísunarvítu telji nefndin ástæðu til".*

Álit dómsins og niðurstaða.

Keppnisreglur eru þær að lið sem lenda í 1. og 2. sæti í 2. deild færast upp í 1. deild. Lið sem lenda í tveimur neðstu sætunum, 7. og 8. sæti færast niður í þriðju deild. Niðurstaða kærumálsins hefur þær afleiðingar að verði kæran tekin til greina og fallist á sjónarmið Golfklúbbs Borgarness lendir sveit Golfklúbbs Ísafjarðar í 8. og neðsta sæti keppninnar og fellur niður í þriðju deild. Sveit Golfklúbbs Borgarness sem hafnaði í 7. sæti myndi þar með færast upp um eitt sæti og lenda í 6. sæti og halda þar með sæti sínu í 2. deild.

Dómari leggur málavaxtalýsingum mótsstjórnar til grundvallar ákvörðun sinni, en samkvæmt henni tilkynnti mótsstjórnin breytta rástíma með tilkynningum í samræmi við það sem tilkynnt hafði verið fyrir móti. Liðstjóra og keppendum sveitar Golfklúbbs Ísafjarðar bar að ganga úr skugga um hvort breytingar hefðu verið gerðar á rástímatöflu.



5

Þegar sveit Golfklúbbs Ísafjarðar mætti ekki til leiks kl. 08.00 að morgni sunnudagsins 13. ágúst sl. ákvað dómari og mótsstjórн að vísa sveitinni frá keppni.

Í 9. gr. reglugerðarinnar er gerður greinarmunur á því hvort riðlakeppni er lokið eða ekki þar sem sagt er í 2. málslíð að úrslit skuli standa ef öllum leikjum í riðlunum er lokið.

Niðurstaða mótsstjórnar var að túlka orðalag 2. málslíðar 9. gr. reglugerðarinnar á þann hátt að úrslit skyldu standa, bæði gagnvart Golfklúbbi Ísafjarðar og öðrum sveitum. Þessa ákvörðun tóku dómari og mótsstjórн áður en móti var lokið.

Sú ákvörðun að heimila liðum Golfklúbbs Ísafjarðar og Golfklúbbs Vestmannaeyja að leika sinn leik byggði mótsstjórnin á þeirri forsendu að úrslit leiksins vörðuðu eingöngu úrslit um 3. og 4. sæti keppninnar og hefðu þar af leiðandi ekki haft árif á aðra leiki eða sætaröð annarra liða í keppninni. Með heimildinni segist mótsstjórnin hafa dregið frávísunarvítið til baka/fellt úr gildi. Það rökstyður mótsstjórн með vísan til golfreglu 33-7 en þar segir m.a.: „Í einstaklingsbundnum undantekningartilvikum má víkja frá, breyta eða beita frávísunarvíti telji nefndin ástæðu til“.

Dómara dómstóls GSÍ ber samkvæmt lögum um dómstól GSÍ að fara eftir reglum The Royal and Ancient Golf Club of St. Andrew og lögum og reglum Golfsambands Íslands.

Í golfreglu 34-2 segir um úrskurði dómara: „Hafi dómari verið skipaður af nefndinni er úrskurður hans endanlegur“.

Í golfreglu 34-3 segir: „Sé ekki dómari verður að vísa öllum ágreiningi eða vafaatriðum sem varða reglurnar til nefndarinnar, en úrskurður hennar er endanlegur“.

Dómari við framkvæmd mótsins var einnig í mótsstjórn. Ákvarðanir hafa því verið teknar sameiginlega af dómara og mótsstjórn. Samkvæmt golfreglum eru ákvarðanir dómara og mótsstjórnar endanlegar. Dómstóll GSÍ getur því ekki tekið kæru Golfklúbbs Borgarness til efnismeðferðar og verður henni því vísað frá dómstóli GSÍ.

Áfrýjunarfrestur til áfrýjunardómstóls GSÍ er fimm dagar frá því að dómur dómstóls GSÍ var upp kveðinn og teljast almennir frídagars ekki þar með.

Úrskurðarorð.

Kæru Golfklúbbs Borgarness vegna framkvæmdar á sveitakeppni 2. deildar karla 13. ágúst sl. er vísað frá dómstóli GSÍ.

Reykjavík, 9. september 2017,



Hjörleifur B. Kvaran
formaður dómstóls GSÍ